



Publicaziuns dalla vischnaunca, jamna 44

Damonda da baghegiar 2015-1039.000

Datum dalla publicaziun: 30 d'october 2015

Il patrun: Vischnaunca Disentis/Mustér, Via Cons 2, 7180 Disentis/Mustér
Il representant: Uffeci da baghegiar, Via Cons 2, 7180 Disentis/Mustér
Object: Adattaziun dalla senda Acletta-Crest Muntatsch, parcelas 2726, 2727, 2728 e 2729, Acletta Petschna, 7180 Disentis/Mustér

- Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.
 - Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.
- La protesta sto esser motivada e suttascretta dil recurrent ni da siu representant.

Disentis/Mustér, ils 26 d'october 2015

Uffeci da baghegiar Disentis/Mustér

Sera d'informaziun publica

Invitaziun

Mesjamna, ils 11 da november 2015 allas 20.15 ha liug en halla Cons ina informaziun publica davart la votaziun communal dils 29 da november 2015.

Las votantas ed ils votants vegnan informai en detagl davart il cuntegn dalla revisiun parziala dalla planisaziun locala (zona da mistregn Pignola/Marias, zona speciala Catrina, zona speciala Disentiserhof e zona d'ennevar). Alla fin dall'informaziun vegn dau la pusseivladad da tschentar damondas.

Il messadi per la votaziun dil pievel obtenis Vus proximamein cun la documentaziun da votar. Dils acts davart la revisiun parziala dalla planisaziun locala sa vegnir priu investa naven dils 12 entochen ils 27 da november 2015 en casa communal (stanza da publicaziuns ufficialas 10) mintgamai duront il temps da spurtegl. La documentaziun vegn plinavon publicada sin la pagina d'internet www.disentis.ch/Agenda.

A tuts interessai in cordial beinvegni a quell'informaziun en favur d'in svilup prospereivel da nosssa vischnaunca.

Suprastonza communal

Fiera da Sogn Martin

Gliendisdis, ils 9 da november 2015 ha liug l'usitada fiera da Sogn Martin. Ils stans vegnan endrizzai sin la Via Lucmagn e parzialmein sin la Via da Scola e la Via Cons. Las preparativas entras la vischnaunca entscheivan quei di allas 5.00 e la fiera ha liug naven dallas 7.30 entochen allas 18.00. Silsunter setracta ei da far uorden, quei che cuoza entochen ca. allas 19.30.

Per evitar incaps, supplichein nus las fatschentas el contuorn dils stans da fiera da ton sco pusseivel buca schar vegnir quei di autos cun pli grondas furniziuns.

Per la capientscha engraziein nus grondamein.

Uffeci da baghegiar Disentis/Mustér

Serrada dalla via Cavardiras

Igl uffeci cantunal da construcziun bassa dil Grischunentscheiva ils 26 d'october 2015 cun la sanaziun dalla via Cavardiras sil tschancun Mulinets-Cavardiras. Duront las lavurs da



construcziun ston ins quintar cun impediments e temps da spetga.

Naven da gliendisdis, ils 2 da november 2015 mintgamaiils luverdis, dallas 7.30 entochen allas 17.00 sto la via vegnir serrada per scadin traffic.

In'untgida ei pusseivla sin la via da comunicaziun navendalla Punt Gronda sur Maderal/Pardomat.

Per damondas san ins seolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14.

Nus engraziein per Vossa capientscha.

Disentis/Mustér, ils 19 d'october 2015
Uffeci da construcziun bassa dil Grischun, Pius Cavegn

Sezs/posts da catscha e tegias da laghetg pil diever da catscha

Tenor disposiziun dalla vischnaunca e dalla survigilanza da catscha ein tegias da laghetg e posts/sezs da catscha d'annunziar als organs communalas.

El decuors da quest atun ei vegniu constatau che buca tuts posts da catscha installai il davos temps ein vegni annunziai. La suprastanza communal suplichescha perquei in e scadin catschadur d'indicar ses sezs cul formular official. Il formular sa vegnir retratgs dall'administraziun communal ni via internet [www.disentis.ch/ Downloads /Menaschi tecnic](http://www.disentis.ch/Downloads/Menaschi_tecnic) ed ei d'inoltrar entochen ils **30 da november 2015** all'administraziun communal, caum postal 57, 7180 Disentis/Mustér. D'annunziar ein tuts posts da catscha aunc buc annunziai. Quell'obligaziun vala per tut ils sezs ad ault, posts giun plaun e tegias da laghetg. Las annunzias vegnan integradas egl inventari dils objects erigi per gronda part sin terren public. Per posts da catscha che vegnan postai sin terren privat baegna ei il consentiment dil proprietari da terren. Ils sezs e las tegias da laghetg che vegnan buca annunziai vegnan allontanai entras ils organs communalas ed ils cuosts persuerter adossai als possessurs.

Suprastanza communal

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinanza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca sunter ch'ei ha neviu). Quellas lavurs ston esser finidas sil pli tard entochen la **fin da november 2015**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietari.

Disentis/Mustér, october/november 2015
Uffeci da baghegiar Disentis/Mustér

Cinema Salaplauna

Stallkino – «Der schwarze Tanner» (Schweiz, 1986)

Mesjamna, ils 4 da november 2015

1941, irgendwo in der Schweiz: Kaspar Tanner, der einen Bergbauernhof bewirtschaftet, wird von den Behörden aufgefordert, einen Teil seiner Bergwiesen in Ackerland zu verwandeln. Grund dafür: die nationale «Anbauschlacht» während des Krieges. Tanner verweigert sich dem Staat gegenüber – eigensinnig, selbstbewusst und nicht ohne Folgen.

19.30 preinformaziun sur dil cumbat dalla cultivaziun duront la Secunda Uiera mundiala.

20.00 entschatta dil film

Entrada libra; collecta per cuvierer ils cuosts.

Center sursilvan d'agricultura, www.agricultura.ch la suprastanza



«Auf der Suche nach dem Sinn – die Antworten der Religion/en»

Freitag, 6. November 2015, 20–22 Uhr im Gemeindezentrum Aua Viva.
Thema dieses Abends: «Der Islam». Leitung: Pfarrer Roland Just

17. Fiasta federala d'accordeon 2016

Sonda, ils 31 d'october 2015 naven dallas 20.00 astgein nus guder in concert d'aulta qualidad digl ORO «Ostschweizer Regional Akkordeon Orchester» en sala Peter Kaiser dalla claustra da Mustér. Igl ORO ei gest da retourn da sia turnea ell'Italia e selegra sin in auditori interessau a Mustér.

Da Vossa viseta selegra il *CO 17. Fiasta federala d'accordeon 2016*

Uniun da dunnas Mustér

Preavis – Radunonza generala extraordinaria, venderdis, ils 13 da november 2015, allas 20.00 el Center aua Viva a Raveras.
Bugen sperein nus sin ina stedia participaziun, va ei gie per igl avegnir da nossa uniun. Cordialmein envida:

Suprastonza uniun da dunnas e la gruppa d'interess

Uniun da Kneipp Surselva

L'uniun da Kneipp Surselva envida ad in referat a Mustér en Claustra, gliendisdis, ils 9 da november allas 20.30. Igl anteriur avat Daniel Schönbächler referescha sur da sias experientschas cun la kinesiologia. Sin stedia participaziun selegrein.

L'uniun da Kneipp Surselva

Der Kneippverein Surselva lädt zu einem Vortrag ein.

Im Kloster Disentis, am **Montag, 9. November**, um 20.30 Uhr. Der ehemalige Abt Daniel Schönbächler referiert über seine Erfahrungen mit der Kinesiologie. Wir freuen uns auf Euch.

Kneippverein Surselva

Uniun samaritana Mustér

Referat digl anteriur avat Daniel Schönbächler sur da sias experientschas cun la kinesiologia

Quei referat che l'uniun da Kneipp Surselva organisescha vala per nus sco exercezi meinsil e ha liug **gliendisdis, ils 9 da november** allas 20.30.
Nus s'entupei allas 20.15 avon la sala dalla claustra.

A stedia participaziun envida *la presidenta*
